



*Resolución da Xefatura Territorial da Consellería do Mar na Coruña pola que se comunica emprego da lista aberta para o incremento do número de cotas de captura para as embarcacións incluídas no plan de xestión do recurso específico PERCEBE, modalidade a pé e dende embarcación, da confraría de pescadores de Laxe*

## **Antecedentes**

1. A Orde do 22 de decembro de 2021 aprobou os plans de xestión para recursos específicos e algas en Galicia para o trienio 2022-2024. (DOG Núm. 251, de 31.12.2021).

De conformidade co expediente de aprobación do plan de xestión para o recurso específico percebe (PE410A 2021/30-1), modalidade a pé e dende embarcación, da confraría de pescadores de Laxe (en diante plan de xestión) estableceuse un número máximo de 18 embarcacións con 42 persoas tripulantes habilitadas con dereito a cota.

Trala finalización do último proceso de renovación de 2021 desta modalidade na entidade para o trienio 2022-2024, o número de embarcacións con percebe no permiso de explotación autorizadas para participar no plan de xestión era de 16 embarcacións e 31 habilitacións.

2. O 08.11.2022 (Registro de Entrada Nº 2022/2743195) a Confraría de Laxe presentou unha solicitude para que se iniciase o proceso para incorporar novos participantes ao plan de xestión ata completar o número máximo de participantes.

3. O 30.11.2022 esta xefatura territorial convocou un proceso selectivo para o outorgamento da modalidade percebe para dúas (2) embarcacións e catro (4) habilitacións, que rematou coa asignación da modalidade ás embarcacións NUEVA SANTA ROSA CO-2-1-21 e AUXILIAR DEL PAZ VILL-5-52. Polo tanto, na actualidade





o número de embarcacións con percebe no permiso de explotación autorizadas para participar no plan de xestión é de 18 e 35 habilitacións.

4. O 24.02.2023 esta xefatura territorial ditou Resolución pola que se abriu o prazo de presentación de solicitudes para a elaboración da lista aberta para o incremento do número de cotas de captura para as embarcacións incluídas no plan de xestión.

5. O proceso de elaboración da lista indicada no punto anterior rematou mediante a resolución do 21.04.2023 desta xefatura territorial pola que se aproba a lista aberta para o incremento do número de cotas de captura para as embarcacións incluídas no plan de xestión (Anexo I).

6. O 26.04.2023 esta xefatura territorial emitiu unha comunicación relativa á celebración dun sorteo para dirimir o empate con 7,00 puntos entre tres embarcacións da lista. O dito sorteo celebrouse o 03.05.2023 na xefatura territorial da Coruña, establecendo a orde de prelación na lista das embarcacións empatadas de acordo coa acta levantada da realización do dito sorteo.

### **Consideracións legais e técnicas**

1. A Orde do 30 de decembro de 2015 pola que se regula a explotación dos recursos específicos no ámbito da Comunidade Autónoma de Galicia, establece nos artigos 39 a 46 o procedemento para o incremento do número de cotas de captura para as embarcacións incluídas nun plan de xestión. No seu artigo 39 establece un sistema de lista aberta para o incremento do número de cotas de captura para as embarcacións incluídas nun plan de xestión na que a orde de prelación das embarcacións virá determinado pola puntuación obtida trala aplicación do baremo previsto no artigo 43.1.

2. A Resolución do 21.04.2023 desta xefatura territorial aprobou a lista aberta para o incremento do número de cotas de captura para as embarcacións incluídas no plan de xestión.

3. As solicitudes valoráronse de acordo co baremo aprobado pola Resolución do 4 de maio de 2016, da Dirección Xeral de Desenvolvemento Pesqueiro, pola que se aproba o baremo para acceder ás modalidades de recursos específicos no permiso de explotación das embarcacións, así como para elaborar as listas e actualizar os méritos para o incremento do número de cotas de captura para as embarcacións incluídas nun plan de xestión de recursos específicos, modificada pola Resolución do 18 de maio de 2020, da Dirección Xeral de Desenvolvemento Pesqueiro.

4. Na actualidade o número de cotas existentes é de 35 en 18 embarcacións, cando o número de cotas máximo establecido no plan de xestión do recurso é de





42 en 18 embarcacións. Polo tanto, emprégase a lista elaborada para ofertar sete (7) cotas dispoñibles ás embarcacións participantes no plan de xestión.

5. No artigo 46 da Orde do 30 de decembro de 2015, regúlase o emprego das listas, as ofertas das cotas e as causas da exclusión das ditas listas, indicando que as persoas que non acepten os incrementos ofertados durante dúas veces consecutivas sen causa xustificada non recibirán unha nova oferta durante un prazo de doce (12 meses).

6. No caso de renunciar aos incrementos ofertados durante tres (3) veces consecutivas sen causa xustificada, perderán os seus dereitos e a embarcación quedará excluída da lista por un período de dezoito (18) meses, podendo solicitar de novo a súa inscrición unha vez transcorrido o dito prazo.

7. A Resolución do 04.05.2016, da Dirección Xeral de Desenvolvemento Pesqueiro, pola que se aproba o baremo para acceder ás modalidades de recursos específicos no permiso de explotación das embarcacións, así como para elaborar as listas e actualizar os méritos para o incremento do número de cotas de captura para as embarcacións incluídas nun plan de xestión de recursos específicos, modificada pola Resolución do 18 de maio de 2020, da Dirección Xeral de Desenvolvemento Pesqueiro, indica no anexo I:

- No apartado A.3, que con carácter xeral, para o incremento, o número de cotas asignadas ás embarcacións estará en función das persoas que teñan enroladas, á vista do rol de despachos actualizado da embarcación coa dotación da tripulación enrolada nela e das certificacións profesionais de cada unha delas e considerarase que o rol de despachos está actualizado á data en que a xefatura territorial comunique o emprego da lista para o incremento de cotas nas embarcacións.

- No apartado A.4, que o outorgamento de prazas quedará limitado ao número máximo de tripulantes autorizado/as pola Administración marítima.

- No apartado A.8, que en caso de empate na puntuación obtida, resolverase por sorteo en presenza das persoas afectadas pola dita situación.

A lista elaborada emprégase para ofertar sete (7) cotas dispoñibles ás embarcacións participantes no plan de xestión. Porén, produciuse un empate por unha das cotas para ofertar entre tres embarcacións aspirantes que acadaron 7,00 puntos. O sorteo celebrado o 03.05.2023 na xefatura territorial estableceu a seguinte orde de prelación na lista:





| Orde de prelación | Embarcación     | Matrícula | Folio |
|-------------------|-----------------|-----------|-------|
| 1                 | RIA DE LAXE     | CO-3      | 4-92  |
| 2                 | SEGUNDA ORLINDA | CO-3      | 1-92  |
| 3                 | LAXEIRA         | CO-3      | 2-04  |

8. A embarcación RÍA DE LAXE (CO-3 4-92) dispón tres (3) cotas de captura de percebe no seu permiso de explotación e dun número máximo de tres (3) tripulantes de acordo co seu certificado de conformidade, polo que non se lle poden ofertar novas cotas de captura.

9. Esta xefatura territorial é o órgano competente para a elaboración e o control das listas, así como para a súa actualización e para comunicar o seu emprego de conformidade co establecido na sección 4ª do capítulo III e o artigo 52 da Orde do 30 de decembro de 2015, pola que se regula a explotación dos recursos específicos no ámbito da Comunidade Autónoma de Galicia.

De acordo con todo o anterior, esta xefatura territorial

### Resolve:

1. Comunicar ás persoas armadoras da embarcacións integrantes da lista aberta vixente para o incremento do número de cotas de captura para as embarcacións incluídas no plan de xestión do recurso específico percebe (PE410A 2021/30-1), modalidade a pé e dende embarcación, da confraría de pescadores de Laxe, o uso da lista para ofertar sete (7 ) cotas.

2. Ofertar as cotas vacantes ás embarcacións que se relacionan a continuación, tendo en conta o número máximo de tripulantes que consta no certificado de conformidade:

| Embarcación     | Matrícula | Folio | Cotas actuais | Nº máximo tripulantes (certificado conformidade) | Cotas ofertadas |
|-----------------|-----------|-------|---------------|--------------------------------------------------|-----------------|
| ALBERTO SEGUNDO | CO-3      | 1-09  | 1             | 2                                                | 1               |
| JORGE           | CO-3      | 1575  | 1             | 2                                                | 1               |
| ISAAC           | CO-3      | 1600  | 1             | 3                                                | 2               |
| O SALMONETE     | CO-3      | 2-11  | 1             | 2                                                | 1               |
| TOJA            | CO-3      | 1-07  | 1             | 2                                                | 1               |
| SEGUNDA ORLINDA | CO-3      | 1-92  | 2             | 3                                                | 1               |





3. A adxudicación das cota ofertadas dependerá das persoas que teñan enroladas á vista do rol de despachos da embarcación coa dotación da tripulación enrolada nela e das certificacións profesionais. Para a comprobación disto a persoa armadora da embarcación seleccionada disporá dun prazo de quince (15) días hábiles contados desde o día seguinte ao da publicación desta resolución para presentar a seguinte documentación:

- a) Escrito debidamente asinado no que se indique o número de cotas que se solicita, identificando aos tripulantes enrolados que contan coa certificación profesional correspondente.
- b) Rol de despachos actualizado da embarcación coa dotación de tripulación enrolada nela.
- c) Certificación profesional que correspondan ás persoas tripulantes enroladas, agás as expedidas pola Consellería do Mar, de ser o caso. A autorización expresa para a consulta destes datos realizárase empregando o anexo X da Orde do 30 de decembro de 2015.
- d) Xustificante de ter aboada a taxa correspondente para a expedición do novo permiso de explotación onde quedará reflectido o novo número de cotas.

O artigo 14.2 da Lei 39/2015, do 1 de outubro, do procedemento administrativo común das Administracións Públicas, establece a obriga de relacionarse electronicamente coas Administracións Públicas a, entre outros, ás persoas xurídicas e as entidades sen personalidade xurídica e o artigo 10 da Lei 4/2019, do 17 de xullo, de administración dixital de Galicia, establece a obrigatoriedade para as persoas traballadoras autónomas de relacionarse a través de medios electrónicos no ámbito do sector público autonómico para os trámites e as actuacións que realicen no exercicio da súa actividade profesional. Por tanto, as solicitudes e a documentación indicada, deberán presentarse por vía electrónica a través do formulario normalizado de achega de documentación adicional dispoñible na sede electrónica da Xunta de Galicia (<https://sede.xunta.gal>), dentro do procedemento aberto PE401M. Para a presentación da documentación será necesario identificarse de xeito electrónico mediante calquera dos sistemas de identificación e sinatura admitidos pola sede da Xunta de Galicia.

Se a persoa armadora dentro do prazo fixado non presentase a documentación ou do exame dela se deducise que carecen dalgún dos requisitos sinalados na base 1.2 da convocatoria, entenderase que non aceptan a oferta do incremento de cotas por desistencia.



De acordo co disposto no Decreto 425/1993, do 17 de decembro e a Orde do 30 de decembro de 2015, a embarcación seleccionada que presentase a documentación dentro do prazo establecido deberá cumprir ademais cos seguintes requisitos para a obtención do incremento da cota asignada:

- a) Non ter sancións firmes en vía executiva en materia de protección de recursos mariños, pendentes de pagamento.
- b) Que a persoa tripulante estea en posesión do certificado profesional correspondente.
- c) A persoa armadora da embarcación non poderá ser titular dun permiso de explotación a pé para recursos específicos, debendo renunciar a este.

Se unha mesma persoa tripulante, coa certificación da titulación correspondente, figura enrolada en diferentes embarcacións seleccionadas para a oferta de cotas no prazo de presentación de documentación, a asignación da cota de captura realizarase tan só á embarcación na que a persoa tripulante conste coa data máis recente no despacho vixente.

Se a persoa armadora non acepta o incremento ofertado durante dúas (2) veces consecutivas sen causa xustificada non recibirá unha nova oferta durante un prazo de doce (12) meses. No caso de renunciar aos incrementos ofertados durante tres (3) veces consecutivas sen causa xustificada, perderán os seus dereitos e a embarcación quedará excluída da lista por un período de dezoito (18) meses, podendo solicitar de novo a súa inscrición unha vez transcorrido o dito prazo.

Contra esta resolución, que non pon fin á vía administrativa, as persoas interesadas poderán interpoñer recurso de alzada ante a Conselleira do Mar no prazo dun (1) mes contado a partir do día seguinte ao da publicación, de acordo co establecido nos artigos 30, 121 e 122 da Lei 39/2015 de 1 de outubro, do procedemento administrativo común das administracións públicas.

Esta resolución publicarase no taboleiro de anuncios da Xefatura Territorial da Coruña e na páxina web <http://mar.xunta.gal>. A resolución tamén se exporá, con carácter informativo, no taboleiro de anuncios da confraría de pescadores de Laxe.

Esta resolución notifícaselle á confraría de pescadores de Laxe consonte ao artigo 40 e seguintes da Lei 39/2015, de 1 de outubro.

A xefa territorial  
M<sup>a</sup> José Cancelo Baquero  
(sinatura electrónica)





## ANEXO I

### CONFRARÍA DE PESCADORES DE LAXE. LISTA ABERTA PARA O INCREMENTO DE COTAS DE CAPTURA PARA AS EMBARCACIÓNS INCLUÍDAS NO PLAN DE XESTIÓN DO RECURSO ESPECÍFICO PERCEBE (ordenadas por orde de puntuación)

| Embarcación      | Matrícula e folio | Embarcacións cunha soa cota de captura C1 | Experiencia profesional da persoa armadora C2 | Habitualidade da actividade pesqueira C3 | Total |
|------------------|-------------------|-------------------------------------------|-----------------------------------------------|------------------------------------------|-------|
| ALBERTO SEGUNDO  | CO-3 1-09         | 5,00                                      | 2,60                                          | 3,00                                     | 10,60 |
| JORGE            | CO-3 1575         | 5,00                                      | 2,20                                          | 3,00                                     | 10,20 |
| ISAAC            | CO-3 1600         | 5,00                                      | 4,00                                          | 1,00                                     | 10,00 |
| O SALMONETE      | CO-3 2-11         | 5,00                                      | 4,00                                          | 1,00                                     | 10,00 |
| TOJA             | CO-3 1-07         | 5,00                                      | 3,20                                          | 1,00                                     | 9,20  |
| RIA DE LAXE      | CO-3 4-92         | 0,00                                      | 4,00                                          | 3,00                                     | 7,00  |
| SEGUNDA ORLINDA  | CO-3 1-92         | 0,00                                      | 4,00                                          | 3,00                                     | 7,00  |
| LAXEIRA          | CO-3 2-04         | 0,00                                      | 4,00                                          | 3,00                                     | 7,00  |
| BARCIA           | CO-3 2-20         | 0,00                                      | 4,00                                          | 2,00                                     | 6,00  |
| AVE S            | CO-3 3-20         | 0,00                                      | 4,00                                          | 1,00                                     | 5,00  |
| SEGUNDO RUSIÑO   | CO-4 1873         | 0,00                                      | 2,20                                          | 2,00                                     | 4,20  |
| NUEVO MODES      | CO-3 1-06         | 0,00                                      | 4,00                                          | 0,00                                     | 4,00  |
| MARIPOSA         | CO-2 3839         | 0,00                                      | 0,60                                          | 1,00                                     | 1,60  |
| CINTIA T         | CO-3 3-00         | 0,00                                      | 0,00                                          | 1,00                                     | 1,00  |
| PLAYA DE ESTORDE | CO-5 2-93         | 0,00                                      | 0,00                                          | 1,00                                     | 1,00  |
| AUXILIAR DEL PAZ | VILL-5 52         | 0,00                                      | 0,00                                          | 0,00                                     | 0,00  |
| NOVA SANTA ROSA  | CO-2 1-21         | 0,00                                      | 0,00                                          | 0,00                                     | 0,00  |





Os epígrafes de cada columna son: (de acordo co apartado C do anexo I da Resolución do 4 de maio de 2016, da Dirección Xeral de Desenvolvemento Pesqueiro, pola que se aproba o baremo para acceder ás modalidades de recursos específicos no permiso de explotación das embarcacións, así como para elaborar as listas e actualizar os méritos para o incremento do número de cotas de captura para as embarcacións incluídas nun plan de xestión de recursos específicos, modificada pola Resolución do 18 de maio de 2020, da Dirección Xeral de Desenvolvemento Pesqueiro)

**TOTAL:** puntos acadados en total.

- **C.1: Embarcacións que só teñen unha cota de captura no plan de xestión: 5 puntos.**

- **C.2: Experiencia profesional no sector da persoa armadora da embarcación**

Terase en conta que a persoa armadora estivese enrolada como percebeira en embarcacións que contan coa modalidade nos 2 anos anteriores á data da convocatoria: 0,2 puntos/mes completo. Non se puntuarán os méritos de formación e experiencia profesional cando a persoa ou algunha das persoas seleccionadas sexan armadoras ou propietarias doutras embarcacións que xa posúan as modalidades de marisqueo de vara ou de recursos específicos no seu permiso de explotación. **A puntuación máxima total que se poderá obter nesta epígrafe será de 4 puntos.**

- **C.3: Habitualidade da actividade pesqueira**

- Se a embarcación acredita ter realizado actividade extractiva entre 15-35 % dos días que foron efectivamente autorizados para a extracción dentro do plan de xestión do ano natural inmediatamente anterior: 1 punto.

- Se a embarcación acredita ter realizado actividade extractiva entre 35,01-60 % dos días que foron efectivamente autorizados para a extracción dentro do plan de xestión do ano natural inmediatamente anterior: 2 puntos.

- Se a embarcación acredita ter realizado actividade extractiva superior a un 60,01 % dos días que foron efectivamente autorizados para a extracción dentro do plan de xestión do ano natural inmediatamente anterior: 3 puntos,

**A puntuación máxima total que se poderá obter nesta epígrafe será de 3 puntos.**

